

錦繡萬花谷

四十

舊刊錦繡萬花谷

五十冊

錦繡萬花谷後集卷之二十五

城郭

金城千里

劉敬說高祖都關中張良曰關中左崤函右隴蜀沃野千里所謂金城千里天府之國張良傳又秦自以為關中之固金城千里子孫帝王萬世之業也

燈火萬家

燈火萬家城四畔星河一道水中央白樂天西湖詩

月城

沌陽縣至沔口水北有却月城西一里有馬騎城周廻五里高一丈荊州記

斗城

三輔黃圖漢初長安城狹小惠帝更築之城南為南斗形北為北斗形至今人呼漢京城為斗城是也

西安

沮渠蒙遜等推段業為涼州牧業築西安城崔鴻北涼錄

南武

海渚有吳王闔閭與越結怨相伐築城名曰南武城以禦越後吳先主亦因此更繕脩以備魏也董覽吳地記

鐵甕城

杜牧潤州詩城高鐵甕橫強弩

石鼻城

坡詩注石鼻在汧水之北南去陳倉二十里坡公集有石鼻城詩

紫土

秦所築長城土色皆紫漢塞亦然故稱紫塞崔豹古今注



黃金

氏帥楊難嘗寇漢中魏興太守薛健據黃金城沈約宋書

玄菟

昭帝元鳳六年募郡國徙築遼東玄菟城漢史

白鹿

含涯有三城白沙城馬鞍城白鹿城城南有白鹿岡始興記

赤甲白帝

魚復縣西北赤甲城東南連白帝城西臨大江荊州圖記

五言長城

秦系與劉長卿善以詩相贈答權德輿曰長卿自以五言長城系用偏師攻之唐秦系傳

荷花遶郭

白樂天詩遶郭荷花三十里拂城松樹一千株

詩

孤城一柱觀落日九江流老白帝城頭雲若屯白帝城中雨

翻盆老杜風起春城暮高樓鼓角悲城峻隨天壁樓高望

女墻城上春雲覆苑墻江亭晚色靜年芳孤城西北起

高樓碧瓦朱甍出城郭東山高頂羅珍羞下顧城郭銷我

憂西歷青羗坡南留白帝城層城臨媚景絕域望餘春

江水流城郭春風入鼓鞞並老高城新築壓長川虎踞龍

盤氣色全五里似雲根不動一重如月暈初圓雍陶鷓鴣暮

雲歸古堞鴈迷寒雨下空壕許渾天涯憔悴身一望一沾巾

在處有芳草蒲城無故人崔塗一上高城萬里愁兼葭楊柳

似汀洲溪雲初起月沉閣山雨欲來風滿樓鳥下綠蕪秦苑

夕蟬鳴黃葉漢宮秋漢渚水初綠江南草復黃日照蒲心

暖風吹梅樹香征艫艤湯斷歸騎息金隍梁簡文帝閣闔暖

已昏鈞陳香將暮棲鳥城上喧晚雀林山度屯衛時巡警凝
威肆安步閣道趨文昌禁兵連武庫銅鳥迎早風金掌承朝
露罽罍分曉色睥睨生秋霧宋王筠茲城實佳麗飛甍自相
並膠葛擁行風岩堯闕流景御溝屬清洛馳道通丹甍湛淡
水成文參老樹交影長門久已閉離宮一何靜細草綠玉階
高枝蔭桐井微微夕渚暗蕭蕭暮風冷後魏溫子昇日落征
途遠悵然臨古城頽墉寒雀集荒堞晚鳥驚蕭森灌木上迢
迢孤煙生霞景煥餘照露氣澄晚清秋風轉搖落此志安可
平李百藥

苑圃

因原

因原野以作苑順流泉而為沼潏發蘋藻以潛魚豐圃草以育
獸班固東都賦

跨谷

上林禁苑跨谷彌阜東至鼎湖邪界細柳張衡西京賦

黃山

霍雲當朝請數稱病私出多從賓客張圍獵黃山苑漢書

白水

覆舟山周迴二十許里有林名曰水苑陶季直京邦記

甘泉

甘泉苑中起仙人觀緣山谷行至雲陽三百八十一里又右

扶風凡周匝五百四十里二輔黃圖

上林

上林苑中廣長三百里離宮七十所皆容千乘萬騎舊儀

廣成

靈帝光和五年校獵廣成苑薛瑄後漢記

思賢

文帝為太子立思賢苑以招賓客

西京雜記

桑梓

洛陽城西有桑梓苑

阿內十二境

桂林

建康縣北漢朝為桂林苑

陶季直京邦記

養獸

苑有園曰囿一曰養禽獸曰圃

說文

射鴻

衛獻公射鴻于圃

左傳

詩

丹陵抱天邑紫泉更上林玉臺極百尺銀樹起千尋水流冠蓋影風陽歌吹音踟躕憐拾翠顛步惜遺簪日落庭光轉方

憶屢移陰願言樂未極不道愛黃金

梁鍾少瑜

龍田留故苑

汾水結餘波悵望傷游目辛酸思緒多寒煙慘高樹凝露變

輕羅澤葵猶帶草池竹尚侵荷秋風徒自急無復白雲歌

釋奠天游御辨駐城闈上苑遲光晚更新瑤臺半入黃山路

玉檻傍臨玄灞津梅香欲待歌前落蘭氣先過酒上春幸預

百臺稱獻壽願陪千畝及農辰

盧藏用

東郊暫轉迎春仗上

苑初飛行慶盃風射蛺蝶水千片斷氣衝魚鑰九關開林中覓

草未始荔殿裏爭花併是梅歌吹銜恩歸路晚樓烏半下鳳

城來

沈佺期

園圃

靈芝

晉宮閣各有靈芝園蒲陶園此皆因草木樹果以立名也

仙蕙

崑崙山第三層下有芝田蕙圃皆數萬頃羣仙種稔焉王子年拾遺記

蒲陶

洛陽宮有瓊圃園靈芝園石祠園鄴有鳴鶴園蒲陶園晉宮閣名

苜蓿

郭仲產仇池記曰城東有苜蓿園

濯龍

濯龍園在洛陽西北角司馬彪續漢書

鳴鶴

晉宮閣名曰鄴有鳴鶴園

持鋤

孫寶為京兆尹署侯文為東部督郵灞陵杜桓季杜門不通

水火持鋤自理園不敢犯法漢書

得印

桓帝時沛國戴翼鉏園得黃金印後漢紀

不窺

法真隱大澤講論術藝歷年不窺園圃後漢書前漢董仲舒

下帷讀書三年不窺園圃

自賃

范丹學通三經常自賃灌園

漢陰抱甕

莊子曰漢陰叟抱甕入井取水灌園子貢教以桔槔叟嫌其用機不聽

莊周作吏

莊周嘗為蒙邑漆園吏

詩

日照池光淺雲歸山望濃入林迷曲徑度渚隔危峯梁元帝

高軒聊騁望煥景入川梁波橫山度影雨罷葉生光日移花色異風散水紋長同上春光起麗譙徒步陟山極閣影臨飛蓋鸞鳴入洞簫水還登故渚樹長合前橋綠荷生綺葉丹藤上細苗梁庾肩吾浮舟千仞壑摠變萬尋顛流沫不足險石牀豈為艱天子照情素探懷授佳篇宋謝靈運

路徑

多歧

揚子隣人亡羊率其黨請揚子追之揚子曰亡之一羊何追者眾曰多歧路既返問獲羊乎曰亡歧路既多之中又有歧焉吾不知所之故返列子大道以多歧亡羊學者以多方喪生

鹿蹊

良為徑路鄭玄注曰田間之道曰徑路良為之者取山間鹿

兔之蹊周易

羊腸

羊腸坂詰屈車輪為之摧魏武詩又云藍橋雨暗羊腸路南

浦煙迷龍首鄉

馬徑

晉昌郡南及廣武馬蹄谷盤石上馬有跡若踐泥中自然之形故其俗號曰天馬徑酈元注水經

藩竹

天紀二年衛尉岑昏表修百府自官門至朱雀橋夾路作府舍又開大道使男女異行夾道皆築高牆瓦覆或作竹藩環濟

樹槐

符堅滅燕趙之後自長安至於諸州皆夾路樹槐柳二十里一亭四十里一旅行者取給於涂工商資販於道崔鴻前秦錄

隱金樹松

秦東窮燕齊南極吳越蹕道廣五十步隱以金椎樹以青松為馳道之麗至於此也注云隱築也漢書賈山傳

推石布土

王霸為上谷太守修飛狐道至平城推石布土三百餘里

桂道蘭術

劉義恭詩曰飛流界桂道深林冒蘭術

七陌九阡

曹植詩云東西經七陌南北越九阡

三徑

僮僕歡迎稚子候門三徑就荒松菊猶存歸去來詞

蔣徑

蔣詡舍中竹下開三徑唯故人求仲羊仲從之游三輔決疑

仕官捷徑

唐盧藏用始隱山中後召至闕下將還山藏用指終南曰此中大有嘉處司馬承禎徐曰以僕觀之仕官之捷徑耳藏用慙本傳

不由徑

澹臺滅明行不由徑非公事未嘗至於偃之室也又阮籍不由徑路

草徑

老杜年深荒草徑老恐失柴扉

以錢甃花徑

王元寶以錦紋石為柱礎以銅線穿錢甃後園花徑貴在泥雨不滑也天寶遺事

詩

津頭短短長長柳陌上朱朱白白花一段風煙三百里杜鵑
愁絕客思家王承可西風吹夢薄青帘濁酒三盃路二千別
岸舟行秋色裏故人家在夕陽邊翠微路窮驚石斷村缺見
河奔葱倩門前路行穿翠密中東坡山村寂寞去程賒莫
惜頻頻到酒家行李蕭然還不俗擔頭顛倒插梅花戴式草
草荆扉向水開半栽松竹半栽梅丁寧稚子掃花迺不是詩
人莫與來翁定礙竹妨花一迺幽攀緣應對惠峯頭若教須
似康莊好須有高車駟馬憂吳融無人應失路有樹始知村
同上雪裏江舡渡風前迺竹斜有迺金沙軟無人碧草芳
暗水流花迺春星帶草堂前村山路險歸醉毋無愁杜
老曲池通小徑密樹隱殘花子蒼岸莎青有路苔迺綠無塵
盧揅萬葉秋聲裏千家落照時門隨深巷靜窓過遠鍾遲
門迺蒼苔合牕陰綠篠低夕陽山向背秋草水東西舊架悲
藤老踈籬插槿齊並韓

市

長安市

杜八仙歌李白一斗詩百篇長安市上酒家眠

新豐市

漸入新豐市猶聞舊酒香抱琴沽一醉終日卧斜陽朱柳

市樓

西京賦旗亭五里注市樓立旗又史記旗亭市樓也立旗于

市橋

杜詩市橋官柳細江路野梅香

信陵會客

魏有隱士曰侯嬴年七十家貧爲大梁門門者魏公子信陵
君置酒大會客公子從車騎虛左自迎之侯生謂公子曰臣

有客在市屠中願枉車騎過之史記

滌器

前司馬相如今文君當墟身自着犢鼻視滌器於市

吹篪

伍子胥出昭關夜行晝伏至於陵水無以餬其口吹篪乞食於吳市與吳國鬪虞為伯史記

擊筑

荆軻既至燕愛善擊筑者高漸離擊筑軻和而歌於市中相樂已而相泣旁若無人史記

市廛

風俗通曰市中空地謂之市廛

市井

揚子市井相與言則以財與利

城市

杜詩僮僕來城市瓶中得酒還

扇市

秦中歲時記端午前二日東市謂之扇市車馬特盛

金市

金市在大城中洛陽記

鬪場

苑城市謂之苑陵林陵有鬪場市丹陽記

狼入市中

秦惠王四年狼入咸陽市昭王六年狼又入咸陽市中劉向洪範傳

萬商之川

亞以少城接于其西市廛所會萬商之川列隧百重繼肆巨

千蜀都賦

詩

亂山圍古郡市坊帶羣蠻瘦嶺春耕少孤城夜漏閑東坡市
 人與鴉鵲浩浩同一聲 潘子久不調潘邠沽酒江南村郭
 生本將種賣藥市西垣 挿旗蒲柳市伐鼓水雲鄉 居民
 蕭條雜麋鹿小市冷落無雞豚 豈意殘年踏朝市有如瘦
 馬畏陵坡並東坡孤城返照紅將歛近市浮煙翠且重 小市
 常爭米孤城早閉門並杜繡戶夜攢紅燭市舞衣暗曳碧天
 霞韋莊豈能鄽隱都無事不作溪行安有詩翁定廢井通鄰
 汲深墻隔市聲潘夫林光斷處吹青旗行人往來如蟻移農
 家賣薪不買米備籃博得魚蝦歸山市施德一番荻蕪遠趁
 市無數草花生繞門江西詩旗亭出御道遊目暫迴車既非
 隨琴鶴聊思索枯魚因龜識季主傍酒見相如日中人已合
 黃昏故未踈梁東有吾雲閣綺霞生旗亭麗日明塵飛三市
 路蓋入九重城竹葉當盃蒲桃花帶綬輕唯見爭名利安知
 太隱情陳張正見

錦繡萬花台後集卷之二十五

錦繡萬花谷後集卷之二十六

村

花柳村

文選春風太多情村村花柳好又杜詩步步舞隨春風村村白
花柳

浣花村

奉乞桃栽一百根春前為送浣花村老杜詩注云甫所居草堂在浣花村

落花村

王禹偁詩一路翠煙垂柳驛滿川紅雨落花村

杏花村

清明詩清明時節雨紛紛路上行人欲斷魂借問酒家何
處有牧童遙指杏花村

田野為村

唐書在田野為村

黃葉村

老杜詩村疎黃葉墜野迥白鷗來

朱陳村

白氏朱陳村詩徐州古豐縣有村號朱陳云云一村唯兩姓

出世為婚姻

老木村

杜詩澗水空山道柴門老木村

客愁村

杜詩月掛客愁村又江西詩積水動光人坐席子規聲苦客
愁村

江村

杜詩錦里煙塵外江村八九家又陶詩江村日暮時

楚村

繫舟蛮井絡卜宅楚村墟老杜

孤村

一逕野花落孤村春水生老杜又古詞流水遶孤村

漁村

宋迪八景漁村落照云數間茅屋好楊柳籬邊衰網橫腥風

興廉村

東坡適廉州宿於興廉村淨行院本集有詩

村流

清江一曲抱村流長夏江村事事幽老杜

村鼓

村鼓時時急漁舟箇箇輕杜詩

明君村

杜詩羣山萬壑赴荆門生長明妃尚有村一去紫臺連朔漢
獨看青塚向黃昏薛注曰按圖經歸州有明君臺興山山南
二里漢掖庭待詔王嬙字昭君邑人聞昭君不回立臺以祭
焉今有昭君村

詩

綠萼映雙扉循墻一徑微雨多庭果爛稻熟渚禽肥釀酒迎
新社遙砧送暮暉數聲牛上笛何處餉田歸韋莊十里山村

道千峯櫟樹林霜濃竹枝亞歲晚荻花深草市多樵客漁家
足水禽李嘉祐煙火軍中暮牛羊嶺上村所居秋草靜正閉

小蓬門 貧居類村塢僻近城南樓 清江一曲抱村流長

夏江村事事幽 歸客村非遠殘陽席更移 野水平橋路

春沙映竹村孟郊 萬里清江萬里天一村桑柘一村煙漁翁

醉着無人看過午醒來雪滿缸韓愈 孤村芳草遠斜日杏花

飛冠平叔 葱葱城郭麗 淡淡煙村遠 祗疑歸夢西南去 翠

竹江村遠白沙 亂山合沓圍 彭門官居獨在懸 水村居民

蕭條雜麋鹿 小市冷落無雞豚 竹籬茅屋趁溪斜 春入山

村處處花無象 太平還有象孤煙 起處是人家 孤村一犬

吠殘月幾人行 並東坡 荆扉野夢遶村徑 深盤紆 稻穫陪芻

牧牛羊 卧郊立村村 自擊鼓野老欣相求 桑村麥隴謾遮

眼 浦樹晚煙相映深 客路疏為肉江村水作春 日日兩

聲晴復昏 鳥聲北郭與南村 並江 行得三吳徧 清竒最是蕪

樹園平野開 水隔別村孤 震澤非塵世 松陵是畫圖 更添一

詩老載雪過重湖 豈但湖天好 諸村縱可人 麥苗染不就

茅屋畫來真 行止隨緣住 江山到處新 十年三過此 贏得鬢

如銀 誠齋 藤蘿攀盡入煙村 踏破蒼苔半路紋 滿地翠嵐千

嶂合 一溪流水兩州分 城山卜 築溪村亦自竒 旁園蔬圃砌

荷池日高窻影眠 猶熟午炊庖 煙醉不知瓜園近 村得兩遠

村同上 圳流波下圳通 囊錦 店嫗明燈送前村 認未真山頭

雲似雪 陌上樹如人 而今借出東家馬 煙雨孤行小麥村

啓夫 山斷疑無路 林開覺有村 夜宿花村不見花 數間茅

屋瞰溪沙 子西 筍輿直入白雲去 夜宿白雲深處村 于兼

橋

過海橋

秦始皇作石橋欲過海 觀日出處有神人能驅石 石去不疾

神輒鞭之驅石下海 石皆流血 三齊要略

架海橋

文粹柳司功石橋銘 架海維河浮龜役鵠

虹橋

武夷記 武夷君慢亭宴曾孫 有綵虹橋故晦庵權歌虹橋一

斷無消息萬壑千岩鎖翠煙又李太白乘橋躡綵虹

鵲橋

淮南烏鵲填河而成橋渡織女 杜詩石勢參差烏鵲橋故
後人曲名鵲橋仙

趙州橋

傳燈錄趙州觀音從諗禪師傳燈僧問久饗趙州石橋到來
只見掠約廣志云獨木曰約今謂之掠約音酌

昇仙橋

前漢司馬相如成都人蜀城北七里有昇仙橋相如題其柱
曰大丈夫不乘駟馬車不復過此橋

銷魂橋

長安灞陵有橋迎來送去皆至此呼為銷魂橋天寶遺事

浮橋

春秋後傳赧王五十八年秦作浮橋于河

方橋

非閣復非舡可居兼可過君欲問方橋方橋如此作音佐之

第三橋

西京雜記西京外郭城朱雀街東第三橋皇城之東第一街
進業坊隋無漏寺之地也

第五橋

不識南塘路今知第五橋

七星橋

華陽國志李冰造七星橋上應七星

五丈橋

後燕錄慕容垂與劉罕之戰晉大敗車騎慕容德等引兵要
劉罕之子五丈橋罕之馳馬跳五丈澗會救至

竹橋

在觀造竹橋詩伐竹為橋結構同褰裳不涉往來通

浣花橋

蜀有浣花橋見杜詩

走馬橋

建康錄

苦竹橋

柳子厚詩苦竹橋前屬幽逕

河橋

晉杜預啓河橋於富平津衆論以為不可預曰造舟為梁則河橋之謂也橋成上從百官臨會舉杯勸預

就橋安

前漢薛廣德直言諫諍元帝祭宗廟出便門欲御樓舡廣德免冠頓首曰宜從橋云云上不說光祿大夫張猛曰乘舡危

就橋安聖主不乘危乃從橋

斬長橋下蛟

義興郡溪渚長橋下有蒼蛟吞噉人周處執劍橋側伺久之遇出於是懸自橋上投下蛟背而刺焉蛟死

詩

春水斷橋人不度小舟撐出柳陰來唐人市橋官柳細江路

野梅香 寺憶新遊處橋憐再度時 山縣早休市江橋春

聚舡 第五橋東流恨水皇陂岸北御愁亭 當時浣花橋

溪水纜尺餘白水明可挹水中有行車 野橋齊度馬秋望

轉悠哉 伐木為橋結構同褰裳不涉往來通天寒白鶴歸

華表日落青龍見水中顧我老非題柱客知君方是濟川功

合歡却免千年事驅石何時到海東 把燭橋成夜迴舟夜

半時天高雲去盡江迥月來遲
運糧繩橋壯士喜斬木火

井窮猿呼 西山白雪三奇戍南浦清江萬里橋
劔閣星

橋北松州雪嶺東 朝進東門營暮上河陽橋落日照大旗

馬鳴風蕭蕭 一夜星橋別三年斗柄移
憂我營茅棟携

錢過野橋 野橋分子細沙岸綠微茫
野水平橋路春沙

映竹村 萬里橋西宅百花潭北莊
並老杜行色未離南浦

路歡聲先到洛陽橋 西山插天蟠踈玉腰闊跨海鯨鯢金背

高名公長橋 斷橋逢野店遠嶺見人家
月湖橋聲春市散塔

影暮淮平不用殘燈燭舡窻夜自明
東坡溪橋曉溜浮梅萼

知君繫馬岩花落 昔橋本千柱掛湖如斷霓浮梁陷橫淖

破板隨奔溪笑看遠岸沒坐覺孤城低聊因三農隙稍進百

步堤西新橋 羣鯨貫鐵索背負橫空霓首搖翻江雪尾插崩雲

溪輓轡卷巨索春蛟掛長堤豈知倚瀾上安若堂與閨往來

無晨夜醉疾休扶携東新橋 倦客愁聞歸路遙眼明飛閣俯長

橋貪看白鷺橫秋浦不覺青林沒晚潮
二江爭送客木抄

看橋橫 我欲歸尋萬里橋水花風葉暮蕭蕭
微月半隱

山圓荷爭馮露相携石橋上夜與故人語
並東白虹千尺卧

長灘人在金鰲躍錦鞍借問何人題此柱茂陵賦客出長安

表極顯南浦橋 橋橫南浦虹千丈柳護西溪翠一行
嘶入畫橋東

畔路紫駟猶記舊垂楊子西 雞翅拍斜茅店月馬蹄剝破板

橋霜翠微 茅舍松棚隔小橋碧帘斜掛竹籬梢
斜陽望斷

水平橋古柳蕭疎半已凋魚躍浪花翻水面鴈拖煙練束林

腰同 畫橋新跨六鰲頭雄固應齊日月休寄語相如好題柱

太平天子待封侯 珠舡夜繫重湖月寶驥春嘶小石橋
並

城山 喚僕過林寺逢僧問石橋
虹橋影倒中邊濕塔鏡光

浮上下磨未易舟青知畫少苦難題
並翁詩

舍茨荒草村橋卧古槎茨覆也柳子厚

舟航

橫舟

野水無人渡孤舟盡日橫寇公為憐幽草澗邊生上有黃鸝深樹鳴春潮帶雨晚來急野渡無人舟自橫韋應物

僂舟

後漢李膺郭泰歸鄉諸儒送之泰與膺同舟而濟眾賓望之以為神仙

野人舟

晉郭翻乘小舡歸武昌安西將軍庾翼躬往造翻欲強之翼以其舡小欲引大舡翻曰使君不以微賤而辱臨此野人之舟也翼俯屈入其舡中終日不去

竹葉舟

陳季卿江南人舉進士長安十年不歸一日於青龍訪僧不值憇於火閣有終南山翁亦侯僧久之壁間有寰瀛圖季卿尋江南路嘆曰得自此歸不悔無成翁曰此易耳起折階前竹葉置渭水中曰注目於此則如願季卿熟視見一舟甚大恍然登舟其去甚速旬餘至家韓詩共泛瀟湘一葉舟異聞集

蓮葉舟

太乙真人圖太乙真人蓮葉舟脫巾露髮寒飈二又老杜蓮葉舟輕自學操

月舫

謝尚鎮牛渚秋十五夜乘月左右微服泛江會袁宏在舫中尚即迎升舟談論達旦不寐自此名譽日茂宏傳

錦纜

甘寧以繒錦維舟去輒割葉以示奢侈吳志杜詩前日徐看

錦纜牽 錦纜牙檣起白鷗 李太白錦帆遊戲西江水

畫鷁船首

相如賦浮文鷁注畫鷁之象於舟首以警水族 王筠詩凌波漾鷁彩泛水煥蛟文

船檣

梁顧野王曰檣才良反船檣帆柱也 老杜檣燕語留人又檣烏經歲飛注檣烏檣上刻為烏形 連檣載米艘 牙檣檣拖青棧遠 吳檣楚拖牽百丈

焚舟

左文三年秦伯伐晉濟河焚舟遂霸西戎用孟明也

宮袍坐舟

李白浮游四方常乘舟與崔宗之自采石至金陵着宮袍坐舟中旁若無人 本傳

載月

百尺絲綸直下垂一波纔動萬波隨夜靜水寒魚不食滿舫空載月明歸 唐詩一曰華亭舫子和尚偈云

江湖散人

唐陸龜蒙升舟設蓬席賣書茶竈筆床釣具往來時謂江湖散人自比涪翁江上丈人 本傳

訪戴

晉王徽之居山陰時夜雪初霽月色明亮忽憶戴逵二時在剡便夜乘小舫詣之造門不前而返人問其故曰乘興而來興盡而返何必見安道耶 本傳

欸乃

柳子厚詩漁翁夜傍西岩宿曉汲清湘然楚竹煙消日出不見人欸乃一聲山水綠上音襖下音靄棹舫聲也

貴人在舟可濟

袁客師天綱子也常渡江叩舟而還左右請故曰舟中人鼻下皆黑不可以濟江俄有一男子跛而負直就舟客師曰貴人在舟可以濟江中忽風起幾覆而免跛男子婁師德也師客

錦袍挽船

隋煬帝紀煬帝命皇甫議發河南諸郡民開通濟渠渠旁皆植柳自長安至江都上行幸江都坐洛口御龍舟挽舡士皆以錦綵為袍

釵鏤舟

奉御湯中以文瑤密石中央有玉蓮湯泉涌以成池又縫錦繡為鳧馮於水中帝與妃子施釵鏤小舟戲玩於其間宮中退水出於金溝其中珠纓寶珞流出街渠貧民日有所得焉

寶遺

麥舟

范文正公仲淹在睢陽遣堯夫到姑蘇般麥五百斛還舟次舟陽見石曼卿問寄此何久曼卿曰三喪在淺土欲葬之而北歸無可與謀者堯夫以所載麥舟付之單騎自長蘆捷徑而去到家拜起侍立良久文正曰東吳見故舊乎曰曼卿為三喪未舉方留滯舟陽時無郭元振莫可告者文正曰何不以麥舟與之堯夫曰已付之矣言行錄

艤岸

整船向岸曰艤史記項羽紀

酒船

晉畢卓嘗謂人曰得酒滿百斛舡四時甘味置兩頭右酒盃左手把蟹螯拍浮酒舡中便足了一生矣本傳

船頭書

陸放翁詩船頭一束書船尾一壺酒新釣紫鱖魚旋洗白蓮藕又穎川詩贖買時文售兒輩大書古隸壓吾舡

解衣刺舡

陳平身間行杖劔亡渡河舡人見其美丈夫獨行疑其亡將腰下當有寶器金玉目之平心恐乃解衣裸而佐刺舡船人知其無有廼止本傳

詩

春水纜深四五尺野舡恰受兩三人老杜扁舟吾已具把釣

待秋風挂席南風正回檣畏日斜二月頻送客東津江

欲平煙花山際重舟楫浪前輕送客滄溪縣山寒雨不開

直愁騎馬滑故作泛舟回漁人縈小楫容易拔船頭片

帆早發劉郎浦疾風颭颭昏停午春水舡如天上坐老年

花似霧中看秋水通溝洫城隅集小舡岸花飛送客檣

燕語留人舟車半天下主客多歡娛亞杜甫歸舟不用撐

明月只倩西風作晚潮翠微可憐閨市千般有誰信虛舟一

物無為視琴堂早催發片帆連夜過姑蘇同上兩槳破雲尋

范蠡一竿搖月趁嚴光城山綠竹撐篙上小灘滿蓬秋色照

人寒雨沾沙鷺毛二雪風卷岩楓葉丹同上小舟若見鴈

大舟若鯨鯢李白數聲柔櫓滄浪水何處江鄉人夜歸唐人

沙禽相呼曉色分漁浦鳴榔十里聞唐獨孤映山黃帽螭頭

舡夾道香煙鵲尾爐東坡游兩行吳樹翠如煙細酌春醪望

晚天千里有家推戀二萬金無信益懸二鍾聲未斷斜陽寺

鴻影仍隨下水舡聽得篙人自相語明朝可到釣臺邊約齋

晚風乘興出溪邊小立斜陽待釣舡喚僕去尋賒酒店倩人

來認買魚錢雨餘便涉嶺風定穩行舡兼定夜半橋邊繫

小舟黎明登岸霧纒收杖藜欲去仍回首忽有漁舡出荻洲

橫江聞道江南有歸棹自携破篋候江頭王三松青燈夜深

雨破帽曉來風晚立茗溪上頭往來無數採菱舟採菱

歸去明朝賣安識人間樂與愁杜耒風掠蓬窗兩鬢秋生涯

無歲不扁舟吟詩本欲相消遣及到吟成字二愁杜子野移

舟泊煙渚日暮客愁新孟浩然一枕書眠春有夢扁舟夜渡

海無濤東坡今夜不知何處泊斷猿晴月引孤舟權德輿遠

岸明殘日孤村認小舟蓬窗夜雨短長夢啼鳥喚人新舊

愁萬里論文一樽酒醉和明月上扁舟子西添價買舡充釣

艇趁時栽竹製漁蓬城山

錦繡萬花谷後集卷之二十六

錦繡萬花台後集卷之二十七

宮觀

藥珠殿

元稹詩閑閑藥珠殿閣閣金字經

藍天瓊室

上有鬱藍天垂光抱瓊室老杜詩

壇級

鄭谷詩煙羅諸洞合鐘磬上清聞經轉掃壇級來事紫陽君

紫臺

陳陰鏗遊始興道館詩紫臺高不極

太微宮

太微之宮列真之字文選

仙遊館

白氏六帖列仙遊館玄祖所居

銀宮

太上決疑經銀宮金闕列仙攸館元祖所居

靈宮秘宇

靈宮秘宇將尊道德之風宜廣神仙之宅文選

丹室

太洞五經注訣丹室朱火天室館也

葛仙觀

信州圖經云費長房投杖化龍之所

仙觀觀

建昌軍麻姑壇咸平中改名仙都觀

玄觀觀

劉禹錫傳由和州刺史入為主客郎中復作游玄都觀詩且

言始謫十年還京師道士植桃其盛若霞又十四年過之無
復一存唯兔葵燕麥動搖春風耳

鄴都觀

王顯咸平中帥定州忽一日有道士通謁自稱鄴都觀主笑
則口角至耳謂顯曰昨日上帝牒蕃菟二萬至本觀未敢收
按冥籍死於公之手公果殺之功冠于世然減公等十年二
端請裁之顯謂風狂叱之後日契丹引數萬騎獵于境會兩
弓弦不可用顯引兵破之斬二萬級朝廷以樞相召歸赴道
數程而卒

王顯清語

玉真觀

東坡延生觀詩自注云觀後上小山有堂玉真公主修道之
遺跡則此云小堂者玉真之堂也按唐景雲元年睿宗第八
女西城公主第九女昌隆公主並出家為女冠二年西城改
封金仙昌隆改封玉真雖長安輔興坊西南有玉真女冠觀
而今云有修道之迹宜乎後人為之立堂矣本朝端拱元年
十月十八日奉 敕賜此名額

捨宅為觀

天寶九載李林甫等皆請捨宅為觀以祝聖帝悅

詩

中天積翠玉臺遙上帝高居絳節朝遂有馮夷來擊鼓始知
羸女善吹簫江光隱見鼉鼉窟出石勢參差烏鵲橋更有紅
顏生羽翰便應黃髮老漁樵 浩劫因王造平臺訪古遊絲
雲簫史駐文字魯恭留宮闕通群帝乾坤到十洲人傳有笙
鶴時過北山頭 苔蘚山門古丹青野殿空月明垂葉露雲
逐度溪風 廿甫道人幽夢曉初還已覺笙簫下月壇風伯前
驅清宿霧祝融參乘破朝寒英姿連壁從多士妙句鏘金和

八鑿已向一臣得頗牧路人莫作老儒看 山行似覓鳥声
殊漸近神仙簡寂居門外長溪容淨足山腰苦笋耿盤蔬喬
崧定有藏丹處大石仍存拜斗餘弟子蒼髯年八十養生世
世授遺書 石壁高千尺微蹤遠欲無飛簷如劔寺古栢似
仙都洞府煙霞遠人間瓜髮枯飄飄乘到景誰復顧遺軀
浮雲有意藏山頂流水無聲入稻田古木微風時起籟諸峯
落日盡藏煙東坡立鵲低昂煙雨裏行人出沒樹林間 獨
宿澹泊境杳然心事空愛茲清溪月復有三松風內慮苟不
息外緣乃無窮能知靜默理可與論幽通 龍首從江上上
峩曹城宮仙源暗霧兩石殿鳴松風天際白雲起人間神鼎
空飄飄見遺像還欲駕冥鴻張少遇參差樓閣半天中六月
清風百尺松隱約齋壇低曉月五雲深處一聲鍾尹介叔作
紫臺高不極青溪千仞餘壇邊逢藥鈿洞裏闕仙書庭舞經
乘鶴池游被控魚稍昏薤葉斂欲暝橫花踈陳陰鑑朝莫泉聲
落寒暄樹色同清猿不可聽偏在九秋中皇甫冉

神仙

五色雲母

衛叔卿服雲母得仙其子名度世徧游山海一日山中見之
與數人博戲坐白石牀度世問博者誰曰洪崖先生許由巢
父王子晉也我有仙方在所居柱下度世歸掘之得玉函封
以飛仙之印乃五色雲母也度世服之果仙去

五色煙

竈封子爲黃帝陶正有人過之爲其掌火能出五色煙久則
以教封子封子積火自燒能隨煙氣上下列仙傳

碧落侍郎

沈羲將飛昇忽有白鹿青龍車羽衣持節以青玉界丹玉版

拜爲碧落侍郎神仙傳

弄玉吹簫

簫史秦人善吹簫秦玉有女名弄玉好之遂妻焉教弄玉吹簫作鳳鳴有鳳至其室乃作鳳臺居之一夕吹簫鳳集乘之仙去乃作鳳女祠列仙傳

八百歲瞳子方

李根兩目瞳子皆方仙經云八百歲則瞳子方

二十三處皆見

荊子訓有道術至京師諸貴人多邀皆許某日日午當往是日二十三處皆見子訓衣服論議如一

落翮山

王次仲變象爲隸始皇召之不至將殺之次仲化爲大鳥振翼而起使者拜曰无以復命恐見誅乃以三大翮墮與使者

始皇因名落翮山

枸杞叢下犬

朱孺子幼事道士王元正居大若巖一日汲于溪上見二花犬相趣因逐之入于枸杞叢下掘之根形如二犬烹而食之忽覺身輕飛于峰上雲氣擁之而去元正食其餘亦得不死因號童子峰

空中聞打麥

王老者村居慕道有老道士造之留月餘忽遍身瘡瘍謂王老曰得酒數斛浸之即愈遂爲置酒滿瓮道士坐甕中三日方出鬚髮皆黑顏如童子謂王老曰能飲此酒可以仙去時方打麥王老全家飲之須臾皆醉忽風動雲蒸一時輕舉舍屋雞犬皆去空中猶聞打麥聲

烏龍

韋善俊携一大名烏龍後化作龍乘之飛去

飯粒成蜂

葛玄師事左慈與客對食嗽口中飯皆成大蜂徐徐入口却成飯粒

仙臺郎

侯道華晨起飛在松頂揮手謝衆曰玉皇詔我爲仙臺郎今去矣並續仙傳

桃核大如斗

王琮爲王屋令常念黃庭經六千遍未了深義罷官絕穀咽氣入洞中有嵌室石牀案上古經一軸忽有人曰吾東極真人王太虛黃庭經吾所注授於子復與桃核大如數斗磨而服之愈疾延年子未可居此更二十年期琮携核與經而歸彈一弦琴

太真王夫人王母少女每彈一弦琴即百禽飛集時乘一白龍周游四海

召補仙官

丞相王徽姪女幼年慕道持經撫琴嘗曰洞宮有召命當補仙官題詩曰菟水登山無足時諸仙頻下聽琴詩此心不戀居人世唯見天邊雙鶴飛是夕奄然而終明月雙鶴音樂異香滿野舉形就木空衣而已

白雲如百尺樓

三道真居鬼谷栢臺常有白雲出臺中遠望如百尺樓道真常乘此雲遊戲山頂暮歸雲亦斂入臺內並王氏神仙傳

小兒誦經

開元中文靖天師與司馬承禎各就枕忽聞小兒誦經聲冷冷如金玉天師窺之承禎額上有小日如錢光照一席逼而

聽之乃承植腦中聲也 高道傳

牧童賦詩

鍾弱翁帥平涼日有一方士通謁從牧童牽黃犢立於庭下弱翁異之指牧童曰道人能賦此乎笑曰不煩我語是兒能之牧童乃作詩曰草鋪橫野六七里笛弄晚風三四聲歸來飽飯黃昏後不脫蓑衣臥月明

神仙名義

玄女吞氣

三氣八十一萬億歲後化生玄妙玉女又生後八十一萬億歲後三氣變化五色玄黃妙玉女口仍即吞之八十一萬億乃化從玄妙玉女左腋而生生而白首故號為老子 方公妙內篇經

絳雪丹

開元中內人趙垂香問申元之乞延生之藥元之與絳雪丹一粒曰汝服此必死不壞百年復生至元和末百年雲空果再生 高道傳

五性

上元夫人謂帝曰汝好道乎數招方士登山祠神亦為勤天然汝胎性暴胎性淫胎性奢胎性酷胎性賊五者常舍于榮衛之中五藏之內若從今捨爾五性反諸柔善常為陰德救濟死厄不泄精液齋戒勤儉鳴天鼓飲玉漿蕩華池叩金梁按而行之當有冀爾今阿母迂大道之重下降蟪蛄之窟屈霄虛之靈詣孤鳥之俎子厲之哉 漢武帝內傳

金棺葬狗

清虛真人曰黃赤之道混氣之法是張陵受教施化為種子之一術非真人之學也吾數見行此而絕種未見種子而得生所謂抱玉赴火以金棺葬狗也

道在長養分生

紫微夫人曰黃書赤界雖長生之秘要實得生之下術非上
宮天真流軒晏景之夫所得言也此道在長養分生而已有
懷於滯氣兼以行乎隱書者適足以握水官之筆鳴三官之
鼓耳

服日餐霞

九華真妃曰日者霞之實霞者日之精惟聞服日實之法未
見知餐霞之精餐霞之經其秘致霞之道甚易此謂體生玉
光霞映上清之法又曰眼者身之鏡耳者體之牖視多則鏡
昏聽衆則牖閉妾有磨鏡之石決牖之術面者神之庭髮者
腦之華心悲則面焦腦減則髮素所以精元內喪丹津損竭
妾有童面之經還白之法精者體之神明者身之寶勞多則
精散營竟則明消妾有益精之道延明之經

神形如車馬

太虛真人曰觀神載形時亦如車從馬車敗馬奔亡牽連一
時假哀世莫識此但是惜風火種罪天網上受毒地獄下

人死適太陰

若其人暫死適太陰權過三官者肉爛血沉而猶五藏自生
白骨如玉七鬼營侍三鬼守宅三元權息太神內閉三二十
年隨意而出收血育肉生津成液復質成形勝於未死之容
也真人鍊形於太陰易見於三官者此之謂也

隱穀蟲

得道者皆隱穀蟲之法而見三尸之術穀虫死則三尸枯三
尸枯自然落矣

九患

學道者有九患有志無時有時無友有友無志有志不遇其

師遇師不覺覺師不勤勤不守道或志不固固不能久皆人之九患也

吐死氣取生氣

欲為道者口常吐死氣取生氣慎笑節語常思其形

服木叙

紫微夫人服木叙云察草木之速益於己者並不及木木氣則式過鬼津益血生腦逐惡致真守精衛命古人名為山精之卉山薑之精太上遵仙銘曰子欲長生當服山精子欲輕翔當服山薑

拔愛欲根

青童君曰人之為道能拔愛欲之根者如掇懸珠一一掇之會有盡時稍去外惡會有盡時盡則得道矣

小兒貪刀刀蜜

紫微夫人曰為道者譬持火入冥室中其具即滅而明獨存財色於己如小兒貪刀刀之蜜其甜不足美口即截舌之患

學道如彈琴

太上真人問人曰子嘗彈琴絃緩何如荅曰不鳴不悲又問絃急何如曰聲絕而傷悲又問緩急得中何如荅曰衆音和合八音妙奏矣真人曰學道執心調適亦如彈琴道可得矣

穿井

學道如穿井形愈深而去土愈難運出當披其心正其行乃見泉源

擲髮呪

擲髮呪曰泥丸玄華保精長存左為隱月右為日根六合清鍊百神受恩呪畢咽液三過能常行之髮不落而日生經曰理髮欲向玉地

服日月

東華真人服日月之象男服日象女服月象一日不廢使人
聰明五藏生華太虛真人曰以月五日夜半存日象在心中
日從口入使照一心之內

存日月

青牛道士口訣暮卧存日在額上月在臍上辟千鬼万邪致
玉女來降

真人和六液

學生之法不可泣淚及多唾泄是以真人常吐納咽味以和
六液

五卯之日

甲寅庚申是尸鬼競亂精神躁穢之日夫婦不可同席當清
齋不寢凡五卯之日當齋心存神念炁常如此者玉女降侍

谷丘九七

九

詩

朝遊北海暮蒼梧袖裏青虵膽氣籠三岳陽人不識明吟
飛過洞庭湖 飲海龜兒人不識燒丹符子鬼難看一粒粟
中藏世界二升鐺裏煮山川 三千里外無家客七百年前
雲外身行蒲蓬萊為別館道成瓦礫是黃金待賓棹裏常存
酒化藥爐中別有春積德求師何患少由來天地不私親
欲整鋒鉞敢憚勞凌晨開匣玉龍嗥手中氣岸冰三尺石上
精神虵一條姦血暗隨流水盡克膏今逐清痕銷消除浮世
不平事與爾相將上九霄 呂洞賓 華山高處是吾宮出即凌
空跨曉風臺殿不將金鎖閉來時自有白雲封 三峯千載
客四海一閑人 陳圖南 仙術每將丹訣解史才曾把逸書刪
家僮只有猿隨從坐客惟聞鶴往還處士星孤輕世俗大夫
松好賤官班甚殘夜石秦雲斷琴徹秋巖蜀月彎 孫鄰幾 洗

硯魚吞墨烹茶鶴避煙閑惟歌聖代老不恨流年魏仲先嘗

恨清風千載壽洞天今得恣遊遨松楸古色玉壇靜鷺鶴不

來青帝高茅氏并寒丹已化玄宗碑斷夢仍勞分明有箇長

生路休向紅塵嘆二毛許堅宿植靈根何太早洞悟真風正

年少常令丹海飛日鳥又使玉液朝元腦崑臺氣候四時春

紫府光陰夜如曉來時不用五雲車跨着清風下蓬島崔有

誰人能識白元君上士由來盡見聞避世早空南火宅植田

高種北山雲雞能抱卵心常聽蟬到成形殼自分孝取大羅

些子術免教松下作孤墳伊用昌省悟前非一息間更拋人

世弃塵寰徒誇美酒如瓊液休戀嬌娥似玉顏含笑謾教心

思苦別離還使鬢毛斑雲中幸有堪歸路無恨青山是我山

何用燒丹學駐顏非城市靜非山時人若覓長生藥對

景無心是大還馬自然肘傳丹篆千年術口誦黃庭兩卷經

鶴觀古壇槐影重無人迹戶長扃鉛仙下瞰虛空臨絕澗

上排煙霧倚山巔四邊險絕無猿鳥獨卧深雲三十年率子

蓮千尋練帶新安水萬仞花屏問政山自少雲霞居物外不

多塵土到人間壺懸仙島吞丹罷腕浸星宮呪水閑容易煮

銀供客用辛勤栽果與猿攀溪童乞火朝敲竹山鬼聽琴夜

撼檉花氣熏心香馥馥澗聲聆耳響潺潺早晚重逢蕭塢客

願隨芝蓋出塵寰聶師道手種一株松未老爐燒九轉藥新

成心中已得黃庭術頭上應無白髮生籍公青山雲水窟此

地是吾家後夜流瓊液凌晨咀絳霞琴彈碧玉調爐煉白朱

砂寶鼎存金虎元田養白鷗一瓢藏世界三尺斬妖邪解造

逡巡酒能開頃刻花有人能學我同共看仙葩韓湘翠羽旌

幢仙子隊紫雲樓閣玉皇家人間風雨易分散回首武陵空

落花王世寧

道士

三景法師

太上八素真經曰凡道三景稱三景弟子已度三人付師友
已後傳授得稱三景法師

瓊華真人

華陽公主大曆七年以病丐為道士號瓊華真人

名在丹臺

紫陽真人周季道入蒙山遇羨門子再拜乞長生訣羨門子
曰名在丹臺玉室中何憂不仙並六帖

幽逸之人

周穆王尚神仙因尹真人草樓之觀遂召幽逸之人置為道
士樓閣本記

冠章雨衣黃衣

稷丘公者太山下道士漢武帝東巡狩乃冠章雨衣黃衣擁
琴來迎列仙傳

父母師友

陸法師曰凡道士道德為父神明為母清淨為師太和為友
大戒三百以杜未兆之禍威儀二千以興自然之福

朱篆八字

後唐清泰中進士龐式於嵩陽觀聚課有薛學士者因上山
次見道士五人曳輕羅羽帔身長大欲携此子同去薛辭之
乃褫其褰背上朱篆一行八字道士乘虛而去薛歸觀話其
事無有識其篆者北夢瑣言

仙階之秀

陳子昂頌尊師有弟子十人並仙階之秀

句曲山種果

秦孝王時道士周大賓住句曲山下種五果也真誥

夢遊帝居

賀知章病夢遊帝居數日寤乃請為道士還鄉里六帖

詩

蒼蒼蒼五老霧中壇杳杳三山洞裏官手護崑崙象牙簡心推
霹靂棗枝盤春飛雪粉加毫潤曉漱瓊膏永齒寒漸恨流年
筋力少唯思露冕事星冠抱偶逢蒲家郎乃是葛仙客行常
乘青竹飢即煮白石腰間嫌大組心內保尺宅我願從之游
深山鑱玉液令狐楚別高人世事多歸山岐路轉蹉跎定

知上藥延衰齒每憶玄談養太和任道人生如夢寐也從時
態起風波錦囊直錄遙相許只待鐵輪更一過徐鉉道術曾
留意先生早擊蒙家家迎薊子處處識無公長嘯峨嵋北潛
行玉壘東有時騎猛虎虛室使仙童杜甫相逢豈偶然標格

是神仙角弁裁秋項節枝閣暮有結効休買地跨鶴合冲天

莫訝長耽酒曾權子母錢孫何至今步步虛象猶有孤飛鸞幽

幽古殿門下壓浮雲端萬丈水聲落四時松色寒竇員外乘龍

控鯉真吾偶化石燒金即我曹塵世混來名跡異蓬山思去

夢魂勞吟依古栢天風斷嘯近仙壇海月高九轉丹成顏愈

少髮勝純漆臉勝桃張希顏幾度題書寄入山不知何處得

書看每苔石上秋吟遠星斗壇中夜拜寒白鶴有名呼即至

黃金無用化非難憶師便欲尋師去芝木裁成盡可食趙紫芝

道語

齋戒以享上帝夙齋精誠陰騭而福下民疇垂善應 忝造

化爐中之物咸與為春戴生成宇內之天其寧惟永 琅函

藥笈披三洞之秘文絳節霓旌延九霄之飛馭 惟德動天

敢自忘於揚厲大鈞播物實仰賴於函容 作善降祥有高

天之在上致誠不息如皦日之難欺 靈壇分席備三日之
尋彝儀丹篆朱章罄一心之悃欵 雖亦有禱於三清惟乞無
災之二字 自頂至踵誠知報塞之難由身及家舉賴扶持
之賜通用炳炳台符祥應誕彌之月昭昭天鑒齊南極福比東溟
年敢輸所禱之誠更瀆蓋高之聽伏願壽齊南極福比東溟
與國同休翊宗社無窮之祕錫公純嘏伴蓬壺不老之仙
少而壯壯而老固物理之盈虛誠則著著則明本人情之清
淨俯殫悃悃仰達穹蒼屬逢建丑夏之辰復屆始生之月敢陳
菲薦上瀆高真爾壽爾昌皆本自天之祐將安將樂上祈覆
物之仁 逢矢門闡載遇始生之日藥珠宮闕久依至道之
宗將俯誕辰恭修醮會奏諸天之隱韻諷太上之真詮絳筆
書詞虔拜章於玉闕銀編鑄簡願益筭於金房生日圓穹垂
佑非求報於有生庶類蒙休合知歸於洪造 天道好生實
賦形之攸自人倫欲續荷所懇以必從 大德曰生已協熊
罷之夢至誠無息敢傾蟻蟻之心比臨辱以懷憂轉望雲而
請命亟賴乾坤之孚佑肆令母子之驩康爰舉真科用酬不
貺以似以續幸家世之有傳難終難窮庶年齡之未艾祈嗣
齋戒以事帝既殫精意之誠忱疾痛則呼天蓋出人之情之迫
切 陰陽為寇一身難保於至和禍福無門萬化悉由於真
宰 方習是知非而有請宜赦過宥罪以無私 陰陽之并
降偶失其序脾肺之逆順不相宜和或者星宮之所加臨意
其連屢之有會運 誓勤犬馬之餘生圖報乾坤之大賜禱
病農心閔雨深懷失業之憂吏職承流敢憚責躬之請 雨
澤應期顧解龜文之拚秋成有望可占魚夢之祥 惟天地
實民父母忍赤子之渴飢雖山川能出風雲必有司於號令
興油雲一瞬之間靈甘雨四天之下 鶴鳴九臯上雲霄

而猶聞蟻居大澤知陰雨之方來蓋蠕動之慘舒皆範圍於
覆載民之苛瘠帝實矜憐木饑火旱雖關其數之推移金
簡玉書能拯含生之疾苦早當七八月之間比殫虔禱雨
既三五日以往仰荷靈休有開必先無德不報庸即琳宮之
宇聿遵瓊簡之科五穀皆孰必不害於垂成三日為霖即
可書於大有仰祈昭鑒俯佑下民和氣致祥五一風而十
一雨大田多稼千斯倉而萬斯箱祈雨山海悔其嘆朝濟之
靡間里間昏執憂暑濕之交侵誦琅函參翠蓋之游啓金篆
導華旗之密百穀既登收穫僅同於寇至二霖不止浸淫
將害於秋成載嚴薰席之陳仰格真慕之御九月築圃方
欣南畝之歸三日為霖或作西成之害天不言而善應民所
欲而必從暄暄其陰春蠶爾一時之孽泉泉出日驩然百里之
和帝意何私人心易感謹輸丹悃上瀆紫霄神之格思仰九
霄而難報物其多矣庶萬吏以咸登祈晴無父何怙可勝痛
割之情謂天蓋高俯聽忱恂之懇霓旌接引詣蓬萊三島
之中仙馭資陪處瑤林九霞之上科傳黃宅會持旆於九
幽魂度朱陵身必超於十極帝心簡在雖禍福之無門天
數莫逃信死生之有地朝露既晞重嘆色身之幻遺風猶
在恍存心目之間街哀在疚曷勝荼蓼之懷溼血設誠用
展癩蔽之繫綠章盡徹黑簿盡除仗茲清淨之緣破乃
昏迷之障三清上睭曲垂赦過之恩十極高真同賜度生
之力玉京金闕步八景之煙霞圓嶠方壺嘯一天之風月



